



MINORITY SHAREHOLDER WATCHDOG GROUP

Badan Pengawas Pemegang Saham Minoriti Berhad

Incorporated in Malaysia * Company No. 524898-M

The Observer

22 May 2015

KEMASKINI MAKLUMAT PASARAN DAN KAWAL SELIA

RANCANGAN MALAYSIA KESEBELAS 2016-2020 PERTUMBUHAN BERPAKSIKAN RAKYAT

Pada 21 Mei 2015, Perdana Menteri Malaysia telah membentangkan Rancangan Malaysia Ke-11 2016-2020 di Parlimen dengan tema “Pertumbuhan Berpaksikan Rakyat”.

Seperti yang dinyatakan di dalam Prakata Perdana Menteri, “Rancangan Malaysia Kesebelas, 2016-2020 (RMKe-11) adalah rancangan pembangunan yang penting dalam sejarah Malaysia. Memandangkan negara hanya mempunyai lima tahun sebelum mencapai Tahun 2020, RMKe-11 adalah langkah kritikal dalam perjalanan kita menjadi negara maju yang inklusif dan mampan.”

Rancangan Malaysia Kesebelas mengandungi enam teras strategik dan enam pemacu perubahan yang akan mengubah idea kepada realiti, dan menangani secara bersama matlamat yang dinyatakan di dalam Wawasan 2020 untuk melonjakkan Malaysia ke arah menjadi negara maju dan inklusif.

Enam teras strategik dan enam pemacu perubahan

Teras strategik

Kerajaan telah menggariskan enam teras strategik bagi membantu Malaysia sentiasa bersedia menghadapi cabaran dan memanfaatkan peluang berikutnya berdasarkan perubahan landskap global dan politik yang pantas. Teras strategik ini bertujuan memenuhi pelbagai keperluan rakyat dan negara secara menyeluruh.

1. Memperkuuh pembangunan inklusif ke arah masyarakat yang saksama
2. Meningkatkan kesejahteraan rakyat
3. Memperkasa pembangunan modal insan untuk menjadi negara maju
4. Menuju ke arah pertumbuhan hijau bagi meningkatkan kemampanan dan daya tahan
5. Memperkuuh infrastruktur untuk menyokong perkembangan ekonomi
6. Merekayasa pertumbuhan ekonomi untuk peningkatan kemakmuran

Pemacu perubahan

Kerajaan juga telah mengenal pasti enam pemacu perubahan yang merupakan pendekatan yang inovatif bagi mempercepat pembangunan Malaysia. Kejayaan pelaksanaan pemacu perubahan akan mengubah trajektori pertumbuhan ekonomi negara dengan ketara.

1. Meningkatkan potensi produktiviti
2. Meningkatkan taraf isi rumah B40 ke arah masyarakat kelas menengah
3. Mengupayakan pendidikan dan latihan teknikal serta vokasional (TVET) yang diterajui industri
4. Melaksanakan pertumbuhan hijau
5. Menjana kekayaan melalui inovasi
6. Melabur dalam bandar yang berdaya saing

Sorotan

- Ekonomi Malaysia dianggarkan berkembang antara 5%-6% setahun berdasarkan permintaan domestik yang dapat dikelaskan dan peningkatan sumbangan daripada sektor luar.
- Penggunaan dan pelaburan swasta memacu pertumbuhan, yang akan meningkatkan Pendapatan Negara Kasar (PNK) per kapita sebanyak 7.9% setahun.
- Empat strategi untuk memperkuuh asas ekonomi:
 - 1) Meningkatkan potensi produktiviti untuk memastikan pertumbuhan mampan dan inklusif;
 - 2) Menggalakkan pelaburan untuk menerajui pertumbuhan ekonomi;
 - 3) Meningkatkan eksport untuk menambah baikimbangan perdagangan;
 - 4) Meningkatkan fleksibiliti dasar fiskal untuk memastikan kedudukan fiskal yang mampan.
- Pertumbuhan KDNK akan dipacu oleh peningkatan yang ketara dalam produktiviti, dan kebergantungan kepada input modal dan pekerja akan dikurangkan.

(Untuk butiran lanjut yang terkandung di dalam Dokumen Utama, sila klik pautan
<http://rmk11.epu.gov.my/book/eng/Eleventh-Malaysia-Plan/RMKe-11%20Book.pdf>)

(Sumber Sorotan: The Star Online bertarikh 21 Mei 2015 - Untuk butiran lanjut, sila klik pautan
<http://www.thestar.com.my/Business/Business-News/2015/05/21/11th-Malaysia-Plan-Economic-highlights/?style=biz>)

PANDANGAN RINGKAS MSWG MENGENAI TRANSAKSI KORPORAT SEMASA

CAN-ONE BERHAD (CAN-ONE)

Pada 13 Jun 2014 Can-One telah memeterai perjanjian jualan saham bersyarat dengan Teh Khoy Gen bagi cadangan pengambilalihan oleh Can-One sebanyak 3,000,000 saham biasa sebanyak RM1.00 sesaham di dalam F & B Nutrition Sdn Bhd (F&B) yang mewakili baki sebanyak 20% daripada modal saham yang diterbitkan dan berbayar F&B yang belum dimiliki oleh Can-One pada harga pertimbangan sebanyak RM112,900,000 yang akan dipenuhi keseluruhannya melalui terbitan sebanyak 39,753,000 saham biasa baharu di dalam Can-One mewakili kira-kira 20.69% daripada modal saham diterbitkan dan berbayar yang diperbesarkan pada harga terbitan sebanyak RM2.84 bagi setiap saham Can-One yang mewakili premium sebanyak kira-kira 10% ke atas 5-hari jumlah harga pasaran purata Can-One sehingga dan termasuk 12 Jun 2014 (Cadangan Pengambilalihan).

Lembaga Pengarah Can-One seterusnya mengumumkan bahawa Bursa Malaysia telah melalui suratnya yang bertarikh 20 April 2015 (yang telah diterima pada 21 April 2015) meluluskan penyenaraian dan sebutharga bagi 39,753,000 saham baharu Can-One yang akan diterbitkan pada harga terbitan sebanyak RM2.84 bagi setiap saham Can-One sebagai pertimbangan pembelian berikut Cadangan Pengambilalihan.

[*Sumber: Pengumuman Can-One di laman web Bursa Malaysia pada 14 Jun 2014, 21 April 2015 dan 8 Mei 2015*]

KOMEN MSWG:

MSWG agak hairan mengenai cadangan ini memandangkan Can-One akan mengambilalih daripada Encik Teh Khoy Gen baki pegangan ekuiti sebanyak 20% di dalam sebuah syarikat subsidiari (F&B), di mana ianya sudah memegang kepentingan sebanyak 80% manakala baki 20% dipegang oleh Encik Teh serta bagaimana ini boleh menyebabkan Encik Teh untuk muncul sebagai pemegang saham baharu di dalam Can-One dengan kepentingan ekuiti sebanyak 20.69% (daripada 20% kepentingan ekuiti di dalam syarikat subsidiari Can-One).

Kami memerlukan penjelasan lanjut kerana cadangan ini nampak tidak munasabah. Ini mengambilkira perkara-perkara berikut:

- (i) Subsidiari tersebut, F&B, hanya mewakili kira-kira 56% daripada pendapatan sebelum faedah, cukai, susutnilai dan pelunasan (EBIDTA) Kumpulan Can-One.
- (ii) Terdapat subsidiari-subsidiari dan syarikat bersekutu lain seperti Kian Joo can menyumbangkan baki 44% EBIDTA Kumpulan Can-One.
- (iii) Can-One menilai sahamnya pada diskaun sebanyak 17% kepada aset bersihnya, manakala F&B pula menilai pada 4.86 kali nilai bukunya.
- (iv) Harga terbitan bagi saham Can-One hanya mewakili 6.21 kali nisbah harga-pendapatan (PER), manakala PER bagi F&B adalah sebanyak 15 kali. F&B merupakan entiti yang tidak tersenarai namun ianya diberikan PER yang lebih tinggi.

Berdasarkan perkara-perkara di atas, kami memerlukan penjelasan lanjut pada EGM yang akan datang.

SCAN ASSOCIATES BERHAD (SCAN)

Pada 27 Februari 2015, Scan Associates Berhad (SCAN) mengumumkan keputusan suku keempat yang belum diaudit bagi tahun kewangan (FY) 2014. Pada 27 April 2015 SCAN mengumumkan bahawa ia telah mengubah tahun kewangannya dari 31 Disember 2014 kepada 30 Jun 2015, seterusnya melanjutkan tarikh bagi Laporan Audit Tahunan dari 30 April 2015 kepada 31 Oktober 2015. Menurut pengumuman yang dikeluarkan oleh SCAN, perubahan tahun kewangan syarikat adalah disebabkan oleh perubahan di dalam operasi dalaman dan polisi.

Harga saham SCAN telah jatuh secara drastik dari RM0.125 pada 27 April 2015 kepada RM0.07 pada 7 Mei 2015 yang melibatkan jumlah dagangan yang tinggi yang mendorong Bursa Malaysia untuk mengeluarkan pertanyaan mengenai aktiviti pasaran luar biasa (UMA) ke atas SCAN pada 7 Mei 2015. SCAN telah menjawab pertanyaan Bursa pada hari yang sama yang menyatakan bahawa ia tidak tahu menahu mengenai sebarang perkembangan korporat, khabar angin atau laporan yang melibatkan perniagaan dan hal syarikat dan sebarang penjelasan lain untuk mengambilkira aktiviti pasaran luar biasa tersebut.

Pada hari berikutnya pada 8 Mei 2015, Bursa Malaysia telah mengeluarkan arahan kepada syarikat supaya mengumumkan bahawa syarikat telah mencetus peraturan 2.1(b) dan (c) Nota Panduan 3 (GN3) berdasarkan keputusan suku keempat syarikat bagi tahun kewangan 2014. Syarikat tidak mematuhi arahan tersebut dengan memberikan alasan bahawa setiausaha syarikat telah meletakkan jawatan pada hari yang sama. Syarikat tidak bersetuju dengan arahan tersebut dan telah melantik peguam, Tetuan Lim, Chong, Phang & Amy untuk memfailkan tindakan undang-undang ke atas Bursa Malaysia. Saman tersebut telah difailkan pada 10 Mei 2015 untuk, antaranya, membatalkan arahan dan menuntut ganti rugi daripada Bursa Malaysia.

Pada masa yang sama SCAN telah memfailkan injunksi interim ke atas Bursa Malaysia untuk menarik balik pengelasan sebagai GN3. Injunksi tersebut telah diberikan pada 11 Mei 2015. Walau bagaimanapun, pada perbicaraan pada 18 Mei 2015, mahkamah telah menarik balik injunksi tersebut dan Bursa Malaysia mengenakan semula pengelasan SCAN sebagai syarikat di bawah GN3. Walaubagaimanapun SCAN akan meneruskan saman ke atas Bursa Malaysia.

[Sumber: Pengumuman oleh PMHB di laman web Bursa Malaysia pada 27 Februari 2015, 27 April 2015, 7 Mei 2015, 8 Mei 2015, 11 Mei 2015, 18 Mei 2015 dan 19 Mei 2015]

KOMEN MSWG:

Salah satu daripada objektif Bursa Malaysia ialah untuk melindungi pemegang saham minoriti dan Bursa melaksanakannya melalui penguatkuasaan peraturan-peraturan penzahiran. Kami percaya dengan berbuat demikian, pelabur akan dapat membuat keputusan pelaburan berdasarkan pengetahuan.

SENARAI PEMANTAUAN MSWG

PAN MALAYSIA HOLDINGS BERHAD (PMHB)

Pada 12 Disember 2014 Lembaga Pengarah PMH telah mengumumkan bahawa Dato' Dr Yu Kuan Chon telah pada 12 Disember 2014 memasuki Perjanjian Jualan Saham untuk mengambilalih sebanyak

642,700,783 saham PMHB daripada Acquiline Sdn Bhd, Loyal Design Sdn Bhd, Malayan United Management Sdn Bhd, Mui Media Ltd, Mui Property Services Sdn Bhd dan Megawise Sdn Bhd (secara kolektif dirujuk sebagai Vendor) untuk jumlah pertimbangan tunai sebanyak RM77,124,094 (Cadangan Pengambilalihan). Apabila Cadangan Pengambilalihan telah dimuktamadkan, kepentingan agregat Dato' Dr Yu Kuan Chon dan mereka yang bertindak bersama-sama beliau akan meningkat daripada 49,506,900 saham PMHB, mewakili kira-kira 5.330%, kepada 692,207,683 saham PMHB, mewakili kira-kira 74.522% modal saham PMHB yang diterbitkan dan berbayar.

Walaubagaimanapun, Suruhanjaya Sekuriti Malaysia (SC) menerusi suratnya yang bertarikh 7 Mei 2015 yang ditujukan kepada PM Securities Sdn Bhd (PMS) (sebuah anak syarikat Pan Malaysia Capital Berhad yang mana merupakan syarikat bersekutu PMHB), telah menolak permohonan PMS bagi pertukaran dalam pemegang saham yang mempunyai pegangan kawalan.

Berikut itu, PMS telah pada 20 Mei 2015 memberikan notis kepada SC mengenai hasratnya untuk membuat rayuan ke atas keputusan SC yang menolak permohonan PMS bagi pertukaran pemegang saham yang mempunyai pegangan kawalan.

[*Sumber: Pengumuman PMHB di laman web Bursa Malaysia pada 12 Disember 2014, 11 Mei 2015 dan 20 Mei 2015*]

JAYA TIASA HOLDINGS BHD (JTHB)

JTHB mengumumkan bahawa anak syarikatnya, Jaya Tiasa Timber Products Sdn Bhd (JTTP) memberikan kerjasama sepenuhnya kepada Suruhanjaya Pencegahan Rasuah Malaysia (MACC) dalam operasi membanteras aktiviti pembalakan haram di Sarawak yang dijalankan oleh MACC baru-baru ini. Aktiviti utama JTTP adalah pembelian kayu balak terutamanya daripada konsesi yang dimiliki oleh Kumpulan JTH untuk diproses dan dipasarkan kepada pengguna akhir. JTTP tidak menjalankan aktiviti pembalakan. Penyiasatan oleh MACC yang masih berjalan di negeri Sarawak dijangka tidak akan memberikan kesan kepada operasi harian JTTP.

[*Sumber: Pengumuman JTHB di laman web Bursa Malaysia pada 15 Mei 2015*]

BERITA DAN PERKEMBANGAN TEMPATAN

11th Malaysia Plan Economic highlights

<http://www.thestar.com.my/Business/Business-News/2015/05/21/11th-Malaysia-Plan-Economic-highlights/?style=biz>

Economic and Financial Developments in the Malaysian Economy in the First Quarter of 2015

http://www.bnm.gov.my/files/publication/qb/2015/Q1_en.pdf

Bursa queries bamboo maker Kanger over sharp fall in price

<http://www.thestar.com.my/Business/Business-News/2015/05/19/Bursa-queries-bamboo-maker-Kanger-over-fall-in-price/?style=biz>

April vehicle sales 23% lower

<http://www.thestar.com.my/Business/Business-News/2015/05/20/April-vehicle-sales-23-lower/?style=biz>

Press Metal Berhad - Fire Incident at Samalaju Smelter
<http://www.bursamalaysia.com/market/listed-companies/company-announcements/4741605>

Lay Hong shareholders vote against share scheme for Yap family
<http://www.thesundaily.my/news/1422632>

Scan Associates falls into GN3 status after injunction struck off
<http://www.theedgemarkets.com/my/article/scan-associates-falls-gn3-status-after-injunction-struck?type=Markets>

BNM to review inflation numbers should oil price exceeds US\$70 a barrel
<http://www.nst.com.my/node/84396>

Bursa Malaysia commits to the sustainable stock exchanges initiative
<http://www.bursamalaysia.com/corporate/media-centre/media-releases/3309>

M'sian O&G companies should look into consolidation, says Petronas
<http://www.thestar.com.my/Business/Business-News/2015/05/18/Msian-OnG-companies-should-explore-consolidation-opportunities-says-Petronas/?style=biz>

More than 100 of World's Investor Education Leaders Gather in Malaysia to Focus on Best Strategies for Investor Engagement
http://www.sc.com.my/post_archive/more-than-100-of-worlds-investor-education-leaders-gather-in-malaysia-in-malaysia-to-focus-on-best-strategies-for-investor-engagement/

Malaysian economy expands 5.6% in first quarter
<http://www.thestar.com.my/Business/Business-News/2015/05/15/Malaysian-economy-expands-5-6-pct-in-first-quarter/?style=biz>

Quarterly Balance of Payments Performance, First Quarter 2015
https://www.statistics.gov.my/index.php?r=column/cthemeByCat&cat=86&bul_id=OHNFSIJ3VVJUTUhsaTdFcZNqREFqQT09&menu_id=azJjRWpYL0VBYU90TVhpclByWjdMQT09

Petronas to delay Rapid's refinery start-up to mid-2019
<http://www.thesundaily.my/news/1422641>

Jaya Tiasa Holdings Bhd - Malaysian Anti-Corruption Commission's Investigation in Illegal Logging in Sarawak
<http://www.bursamalaysia.com/market/listed-companies/company-announcements/4738321>

BNM wants to pull its reps from Socso and Employees Provident Fund
<http://www.theedgemarkets.com/my/article/bnm-wants-pull-its-reps-socso-and-employees-provident-fund?type=Markets>

BERITA DAN PERKEMBANGAN GLOBAL

Five big banks face criminal charges and \$5 billion bill over FX rigging
<http://www.reuters.com/article/2015/05/19/us-banks-forex-settlement-idUSKBN0O42PJ20150519>

Japan's First-Quarter GDP Growth Is Fastest in a Year
<http://www.wsj.com/articles/japan-grows-2-4-in-first-quarter-1432081799>

JPMorgan investors protest over pay and end to joint chief role
<http://www.ft.com/intl/cms/s/0/ab351156-fe3c-11e4-8efb-00144feabdc0.html#axzz3ae3yTIJg>

U.S. economy isn't as weak as estimates suggest, Fed paper says
<http://www.reuters.com/article/2015/05/18/us-usa-fed-gdp-idUSKBN0O31T520150518>

Greek PM warned lenders of not repaying IMF debt in May: report
<http://www.reuters.com/article/2015/05/16/us-eurozone-greece-tsipras-idUSKBN0O10S220150516>

China returns as biggest holder of U.S. Treasuries
<http://www.cnbc.com/id/102684920>

China's richest man lost \$15 billion in one hour
http://money.cnn.com/2015/05/21/investing/china-hanergy-stock-plunge/index.html?iid=SF_LN

UK inflation negative for the first time since 1960
<http://www.cnbc.com/id/102689510>

McDonald's shareholders approve new director-nomination rules
<http://myinforms.com/en/a/13253433-mcdonalds-shareholders-approve-new-director-nomination-rules/>

Penganalisa MSWG

Lya Rahman, Pengurus Besar, Khidmat Korporat, lyarahman@mswg.org.my
Chong Chee Fern, Pengurus Besar, Pemantauan Korporat chongcf@mswg.org.my
Rebecca Yap, Ketua, Pemantauan Korporat rebecca.yap@mswg.org.my
Quah Ban Aik, Ketua, Pemantauan Korporat banaik.quah@mswg.org.my
Norhisam Sidek, Pengurus, Pemantauan Korporat norhisam@mswg.org.my
Shahnul Niza Bin Dato' Dr. Mohd Yusof, Pengurus, Pemantauan Korporat shahnul.niza@mswg.org.my
Lee Chee Meng, Pengurus, Pemantauan Korporat cheemeng@mswg.org.my
Wong Kin Wing, Pengurus, Pemantauan Korporat, kinwing@mswg.org.my
Nor Khalidah Khalil, Penganalisa, Pemantauan Korporat khalidah@mswg.org.my
Vinodth Ramasamy, Penganalisa, Pemantauan Korporat vinodth.ram@mswg.org.my

PENZAHIRAN KEPENTINGAN

- *Sehubungan dengan syarikat-syarikat yang dinyatakan, MSWG memegang jumlah saham yang minima di dalam syarikat-syarikat yang dinyatakan di dalam surat berita ini kecuali bagi Scan Associates Berhad.*
-

Maklumbalas

Kami mengalu-alukan maklumbalas anda mengenai surat berita dan khidmat kami. Sila e-mel komen dan cadangan anda ke mswg.ceo@mswg.org.my

PENOLAKAN TUNTUTAN

Surat berita ini dan isi kandungannya berserta semua hak-hak berkaitan dengannya termasuk hak cipta dimiliki oleh Badan Pengawas Pemegang Saham Minoriti Berhad, juga dikenali sebagai Minority Shareholder Watchdog Group (MSWG).

Isi kandungan dan pendapat yang dinyatakan di dalam surat berita ini adalah berdasarkan maklumat yang diperoleh daripada domain awam dan bertujuan untuk memberikan maklumat umum kepada pengguna dan adalah untuk rujukan sahaja. Usaha terbaik telah dilakukan untuk memastikan maklumat yang terkandung di dalam surat berita ini adalah tepat dan terkini pada tarikh penerbitan. Walaubagaimanapun, MSWG tidak membuat sebarang waranti nyata atau tersirat atas ketepatan atau kelengkapan maklumat dan pendapat yang terkandung di dalam surat berita ini. Tiada maklumat di dalam surat berita ini yang bertujuan atau patut dianggap sebagai syor untuk membeli atau menjual atau jemputan untuk melanggar sekuriti tertentu, pelaburan yang berkaitan atau mana-mana instrumen kewangan.

MSWG perlu diberikan perakuan bagi mana-mana bahagian surat berita ini yang diterbitkan semula.

MSWG tidak akan bertanggungjawab atau menanggung sebarang liabiliti atas kebergantungan kepada sebarang maklumat atau komen yang terkandung di dalam surat berita ini atau jika ianya diterbitkan semula oleh pihak ketiga. Semua pembaca atau pelabur dinasihatkan supaya mendapatkan nasihat perundangan atau nasihat profesional yang lain sebelum mengambil sebarang tindakan berdasarkan surat berita ini.

ENDS./